



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKI NAČELNIK**

Broj: 06-27-5-2786/22

Datum: 06.12.2022.godine

Na osnovu člana 30. Statuta Općine Tešanj („Službeni glasnik Općine Tešanj“, broj: 11/07) i Odluke o korištenju javnih površina („Službeni glasnik općine Tešanj, broj: 9/12, 6/13 i 1/14), Načelnik općine Tešanj, objavljuje:

### **JAVNI POZIV**

Općina Tešanj poziva sve zainteresovane fizičke i pravne osobe, kao i dosadašnje korisnike javnih površina, da se prijave najkasnije do 17.12.2022.godine, radi iskazivanja interesa za korištenje u 2023.godini javnih površina za:

objekte poslovne namjene, ljetne bašte, kioske i druge slične objekte lagane konstrukcije, garaže, parkinge, tende, štandove, reklamne panoje kao i druge namjene u skladu sa Odlukom o korištenju javnih površina.

Javni poziv se raspisuje za korištenja javnih površina na period od jedne godine

Minimalna cijena korištenja zemljišta sa PDV-om po 1 m<sup>2</sup> mjesečno po zonama iznosi:

Namjena	Minimalna cijena 1m <sup>2</sup> /KM po zonama			
	I	II	III	IV
Objekti poslovne namjene, kiosci i drugi slični objekti lagane konstrukcije,	5,06	4,14	3,45	2,3
Garaže i pojedinačna parking mjesta	1,32	1,08	0,9	0,6
Tende, ljetne bašte, štandovi	3,35	2,07	1,72	1,15
Reklamni panoi	26			

Zona I (Centralno područje naseljenih mjesta Tešnja, Jelaha i Tešanjke).

Zona II (Centralno područje ostalih naseljenih mjesta općine Tešanj).

Zona III (Periferija naseljenih mjesta Tešnja, Jelaha i Tešanjke).

Zona IV (Periferija ostalih naseljenih mjesta općine Tešanj).

Pravnim i fizičkim osobama koje su koristile javne površine u tekućoj godini, a nisu izvršile uplaćivanje utvrđene naknade do 25.12.2022.godine, neće se izdati za 2023.godinu rješenje radi privremenog korištenja javne površine.

Prijave se podnose u zatvorenoj koverti sa naznakom: **"PRIJAVA-KORIŠTENJE JAVNIH POVRŠINA"** putem Centralne pisarnice Općine Tešanj ili poštom na adresu Općina Tešanj, ul. Trg Alije Izetbegovića, broj: 1., uz priložene slijedeće podatke:

- ime i prezime, odnosno naziv firme i adresu/kontakt telefon podnosioca prijave,
- opis djelatnosti/namjene objekta koja će se obavljati na javnoj površini,
- zona/lokacija javne površine,
- površina koja se želi koristiti sa podacima o dimenzijama korisne površine i podacima o parceli (priložiti Skicu lica mjesta, kopiju katastarskog plana ili bilo koji drugi dokaz iz kojeg se može utvrditi tačna lokacija javne površine/objekta koji se želi koristiti).

Sve zaprimljene prijave biće prosljeđene na razmatranje Stručnoj Komisiji.

Prijave koje ne budu prihvatljive po mišljenju Stručne komisije, podnosiocu prijave će biti ponuđeni uslovi od strane Stručne komisije.

Ukoliko podnosilac prijave prihvati ponuđene uslove od Stručne komisije, u tom slučaju će se donijeti Rješenje o privremenom korištenju.

Ako podnosilac prijave ne prihvati uslove Stručne Komisije, istom će se dostaviti obavijest o neprihvatanju ponude.

Ukoliko se radi o korisnicima javnih površina koji su imali rješenje izdato od strane nadležnog organa o privremenom korištenju zemljišta za 2022.godinu, a koji ne prihvate uslove Stručne komisije, isti su dužni napustiti javnu površinu u roku od 15 (petnaest) dana od dana prijema obavijesti.

Općina Tešanj ne snosi troškove zainteresovanih osoba koje se prijave na ovaj Javni poziv, te zadržava pravo prihvatiti prijavu, odbiti prijavu, poništiti Javni poziv i pri tome ne snosi nikakvu odgovornost prema prijavljenim, niti je obavezna objasniti razloge takve odluke.

**Dostavljeno:**

1. Oglasna tabla općine Tešanj.
2. Web stranica općine Tešanj.
3. Lokalna sredstva javnog informisanja.
4. U spis i arhiva.

